

**DISPUTATIO
INAUGURALIS
COMPREHENDENS
FELONIAE
METHODICAM AC...**

Erasmus Ungepauer, Andreas Meurer,
Valenti Gonzaga



TELOMA

DEO,

PATRIÆ

PARENTIBUS,

ac

Amicis.



PRÆLOQUIUM.

Mirarilicet hodiè multis in Acade-
miis nobilissimo juri Feudali tanquam ex
L. diffamari tam altum imponi silentium,
cum tamen dignitatem & insignem, ejus u-
tilitatem qui ignorat vix ullus reperiri queat. Feuda
namq; non tam inferioris & abjectæ conditionis homi-
nes, quam nobiles, comites, Barones, Marchiones, Duc-
ces, Principes, Electores, Reges ac Imperatores possi-
dent; Efficit in iis mutua inter dominum & vassallum
fidelitas, ut non rarò parva Respublica etiam contra
immanes ac potentissimos hostes ex arcto isto feudali
vinculo tutum quærat præsidium. Ast cum rupta hac
fide tota rei feudalis collabatur utilitas, non abs re con-
sul Mediolanensis Obertus de Orto voluit, ut sex ista,
quicquid ipsi invicem sit incolume, tutum, honestum,
utile, facile ac possibile, Vassallus & dominus semper
memoria revolvant *c. in epistola de forma fidelit. 2. F. 6.*
ita ut nulla fraus, nec ullum malum ingenium inter eos
interveniat *c. imperiales § fin. de prohibet. feud. alienat.*
2. F. 52. Hoc Cupidinis telo erga Felonia materiam
inflammat, eam paulo prolixiori pertractatione expe-
dire animus quidem erat, verum sub manibus ita excre-
vit, ut huic proposito inhzrens non disputationem, sed
integrum tractatum scripsissem. Quapropter ne ra-
tionem instituti excederem, hac vice dictam materiam

methodicè saltem delineare mihi cōmodius videbatur,
 ut exinde conjecturari liceat, quot centum alia spec. es
 felonix, quæ in nostro jure feudali non sunt expressæ, nec
 omnes unquam definiri possunt *c. Obertus. In quib. caus.
 feud. amitt. 2. F. 23.* inveniri & excogitari possunt, ideoq;
 novas formas, quas natura adhuc quotidie edere depro-
 perat, iudici perspecto ac solerti relinquere necesse e-
 rat. *c. prima autē § 2. circa fin. Qua fuit prima caus. 2. F. 24.*
 Ne autem in ordine nostro absque ordine progredia-
 mur, principium facimus decens & amabile DEO cum
 Imperatore in Nov. 6. *praf.*

I. N. D. N. J. C.

Brevis ac methodica Feloniae delineatio.

1. † Feloniae vocabulum non tam à *græco Φήλον* seu
φύλον, vel latino fallo, quam à Germanico vocab. *Felen*/dedu-
2. ctum videtur † & procul dubio vel strictè accipi potest pro
 magna culpa, ob quam feudum ac proprietates amitti-
 tur; vel in latiori sensu pro omni & qualibet culpa,
 siue ea feudum amittatur siue retineatur *arg. c. si de feudo. vers.
 dno. committente. Si de feudo defuncti 2. F. 26. & c. un. Qualit. dom.*
3. *propr. feud. 2. F. 47.* † Illo modo definitur, quod sit culpa
 seu dolus Vasalli ac Domini, *d. c. prima autem § 2. vers. prater ea 2.*
4. *F. 24. d. c. imperiales § fin. 2. F. 52. c. un. Quib. mod. feud. am. 1. F. 17.* Tob
 quem ille feudo, hic feudi proprietate privatur *d. §. domino com-*
5. *mittente & d. 2. un. 2. F. 47.* † Et sit vel committendo vel omit-
6. tendo: † *Committit* Vasallus feloniam vel adversus personas
7. vel occasione rerum: † *Adversus Personas* vel contra ipsam
 domini personam, vel contra personas familiae domini proxi-
8. me conjunctas, vel planè extraneas: † *Adversus ipsam do-*
mini personam Vasallus committit feloniam vel circa ipsius
9. vitam, vel circa famam † *Circa Vitam*, dum ipsi necem vel
 vene-

veneno, vel alio modo infert aut inferre laborat d. cum epistola
 2. F. 6. c. est & alia. De nova forma fidelit. 2. F. 7. d. c. prima
 autem §. 2. vs. porro 2. F. 24. † aut insidias struit, vel cum assa- 10.
 lio est violenter aggreditur d. vs. porro c. quia vs. similiter.
 Quib. mod. feud. am. 1. F. 5. d. c. un. 1. F. 17. c. quidam §. si volue-
 rit. De capitano, qui curiam vendidit 2. F. 51. & c. si vassallus.
 Quot sunt testes necess. 2. F. 57. † vel in micis suas amicitias 11.
 copulat d. c. un. si vassallus † Circa famam, lum domino gra- 12.
 ves vel infonestas injurias inferre d. vs. porro. 2. F. 4. aut per ali-
 um inferre laborat arg. l. non solum 11. de injur. & famos. lib.
 † vel testimonium contra eum reddit, vel eum accusat c. si en- 13.
 aut §. finaliter De consuet. vel feud. 2. F. 33. † vel ita deferre, 14.
 ut ex tali delatione ipsi grave honoris ac famae dispendium im-
 mineat d. c. prima autem vs. item si delator. 2. F. 24. † Adver- 15.
 sus familia conjunctas, lum dominum cucurbitat seu cum,
 uxore eius concumbit d. c. quia. vs. item si fidelis 1. F. 5. & c. san-
 ctus §. fin. De feud. sine culp. non am. 1. F. 21. † vel cum ea 16.
 concubere se exercet d. vs. item si fidelis & arg. l. 1. D. de Ex-
 traord. crimin. † vel ejus filio, neptem ex filio, nuptiam filio 17.
 (norum) & fori rem quam diu hac in fan illa domini manet,
 vitiat d. vs. item si fidelis d. c. prima autem. vs. rursus 2. F. 24.
 † Adversus extraneas, dum fratrem suum aut quemcunq; 18.
 alium, in quem patricidium committitur, interimat d. c. prima
 autem §. 2. vs. de iur. j. p. † vel hominem h. e. convassallum 19.
 suum tradit, ut in curia amplius stare nequeat c. si quis. An
 ille, qui interfec. 2. F. 37. † vel crimen laesae majestatis commit- 20.
 tit c. si heis §. vs. si qua vero feuda De panis in jexo † Occasione 21.
 rerum vassallus committit feloniam, quatenus sunt vel feuda-
 les vel non feudales : † Circa feudales, dum feudum aut 22.
 feud. partem vel conditionem ex certa scientia inficiatur, eoq;
 quod abnegaverit feudum, convincitur d. c. si de feudo 2. vs. va-
 sallus si feudum 2. F. 26. c. lex Corradi §. si fuerit ult. in fin. de lege
 Corradi 2. F. 34. † vel grandem patrimonii jacturam facere 23.
 molitur seu in igne detrimentum rei feudali infert d. c. prima
 autem §. 2. vs. praeterea 2. F. 24. c. cum de re §. 1. vers. si vero. De in-

- vestit de re alien. fact. 2. F. 8. & arg. c. Obertus. v. de illa tamen.*
 24. *In quib. caus. feud. am. 2. F. 23. † vel feudum absq; consensu domini scienter alienat. c. si Clientulus pr. De feud. alienat. 1. F. 13. c. preterea pr. Quid juris, si post alienat. feud. 2. F. 44. d. c. imperiales vs. hortatu 2. F. 52. c. domino pr. de controu. inter dom. &*
 25. *empt. 2. F. 42. † Circa non feudales, dum castrum vel alium locum, quem sciebat ad dominum pertinere, hostiliter inuadit vel aliis dominum in eo oppugnantibus opem & consilium prestat arg. d. c. in epistola 2. F. 6. d. c. est & alia 2. F. 7. & d. c. si*
 26. *Vasallus 2. F. 57. † vel vicum, in quo dominus est, per vim aggredditur. d. c. prima autem §. 2. vs. porro † vel secreta domini*
 27. *sui revelat. d. c. in epistola vs. tutum † Omittendo vasallus feloniz reus fit iterum vel respectu domini; vel ratione rerum,*
 29. *eorumq; que in iure consistunt: † Respectu ipsius domini, dum scit domino periculum grave imminere, & illud, cum possit, ipsi non indicat, vel ulro adiutorium suum non prebet. d. c. si de feudo §. licet vasallus 2. F. 26. d. c. est & alia 2. F. 7. d. c. prima*
 30. *autem §. preterea 2. F. 24. † vel dominum in prelio, pugna vel acie periclitantem dimittit seu deserit. d. c. quia pr. 1. F. 5. d. c. sancimus in fin. 2. F. 21. & d. c. prima autem §. 2. pr. † vel quan-*
 31. *do dominum carceri inclusum cognoscit, nec eum, cum possit, liberat. d. c. prima autem §. 2. vs. item si † vel aliud auxilium,*
 32. *quod domino prestare potest v. gr. alimenta pro facultate feudii ipsi denegat. d. c. in epistola in fin. 2. F. 6. † vel domino pe-*
 33. *renti servire non est paratus. d. §. licet vasallus. † Respectu rerum & circa iura domini, dum intra tempus lege definitum videl. annum & diem investituram petere sine iusta causa negligit. d. c. prima autem in pr. 2. F. 24. † vel domino iustitiam*
 35. *facere recusat. d. c. prima autem §. 2. vs. illud tamen. † nec a domino vocatus post tertiam vocacionem se iudicio sistit. c. domi-*
 37. *nus. De milite vasallo, qui contum. est 2. F. 22. † vel requisitus ea seruitia, que pro feudo debet, domino prestare negligit, ipsique servire detrahit. d. c. sancimus pr. d. c. prima a. §. 2. vs. Sed non est alia † Ob feloniam deniq; per quam vasallus feudum*
 38. *amittit, dominus, si eandem committat, proprietate feudi pri-*
uatur

vatur d. c. ex factis 21 F. 47. & d. c. si de feudo §. domino committit
tunc 2. F. 26. †. Feudum autem amissum, si feloniam in domi 390
nium est commissum ad dominum, si in alios ad proximos agna-
tos pervenit d. c. prima autem in fin. d. c. si de feudo §. si vassallus
in pam & c. vassallus si vassallus feudo priv. 2. F. 31. † Pro 40
prietas verò siue dominus in vassallum siue in ali-
os delinquat, in distincte ad vassallum transie-
d. c. si de feudo §. domino committente.

COROLLARIORUM

Decas duplex

I.

Ex Jure Divino

Regis ab Israelitis petiti Jura in lib. 1. Sa-
muel c. 8 vs. 11. descripta fuisse iniqua adeò dubi-
tandum non est, etiamsi jura regni in singulari libro
scripta Samuelis coram domino posuisse appareat ex subsequen-
te cap. 10. vs. 25.

2. Quis sit quod summus legislator filiabus Zelaphe-
bad per Moysen respondeat, quod parentibus absq. filiis de-
mortuis filia. demum ad hereditatem admittantur, Num.
27. vs 8. An idcirco Jus divinum filias existentibus fili-
is à successionem excludat? Neg.

II.

Ex Jure Canonico

1. Rem alienam etiam de Jure Canonico legari posse
non obstat c. 5. Extra de testamentis.

2. *Conditionem, si te virgine n invenero in sponsa-
libus planè non attendi argumento est* c. ult. Extra de
Condit. appos. in desponsat & c.

III.

Ex Jure Civili Publico.

1. *Discrimen inter Comititia Electoralia die Wahl
Tage & Collegialia, Collegialtage agnosco, licet id rejiciat
Melch. Goldast. in consultatione de officio Electoris
Bohem. annexa libris de regn. Bohem. pag. m. 9.*

2. *Confederationes etiam civitates imperiales fa-
cere possunt, modo ad defensionem fiant.*

IV.

Ex Jure privato.

1. *Textus in fin. tit. Inst. de literar. obligat. excep-
tionem non numerata pecunie per constitutionem in l. 14. C.
de non numerat. pecun. ultra biennii metas minimè ex-
tendi, magnam patitur limitationem.*

2. *Et in pagentis quempiam pro parte testatum de-
cedere posse innuit l. 15. in fin. D. de inoffic. testam.*

V.

Ex Jure Feudali.

1. *An resignatio feudi die Auflassung der Lehn idope-
retur, ut vassallus nunquam ob alienationem feudi feudum
amittat? Neg. contra Practicos communiter.*

2. *Utrum*

2. *Utrum qui ante caducitatem feudi, eò quod investituram intra definitum tempus non petiit, à domino investituram denuo impetras. feudo nihilominus cadere queas?*
D.

VI.

Ex Jure Camerali.

1. *Non minus Camera ac ipsius Imperatoris jurisdictionem libelli vel supplicationis oblatione praeveniri omnino evincit Ordin. Cameral. part. 2. tit. 37.*

2. *Nullitates processus, modò de meritis causa ex actis sufficienter constet. à jure Camerali meritò non attenduntur in Ord. Cameral. part. 3. tit. 34. §. 1.*

VII.

Ex Jure Saxonico.

1. *Reconventio à Jure Saxonico in omnibus sublata non est per Const. Electoral. 7. part. 1. §. Dieweil aber vers. sondern es soll Kläger &c.*

2. *Aequius & cunctius facit index, si creditoribus praesertim remotis subbastationem specialem notificet, etiamsi de eo nihil exprimat constit. Elector. 32. p. 1.*

VIII.

Ex Jure Consistoriali.

1. *Sponsa, si hanc ob causam, quod ante sponsalia cum altero fornicatus est, sponsum omninò nolit, ab eo separari potest.*

2. *Virgo casta, vi compressa an nihilominus sertum capiti imponere queat, an verò caput peplo tegat? neutrum simpliciter nego vel affirmo.*

IX.

Ex Jure Statutario.

1. *Statuto istius loci, in quo defunctus decedebat, heredes ejus in alio loco, ubi idem non viget, degentes minimè gaudent.*

2. *Statuta localia proprie & strictè loquendo non nisi subditos obligant.*

X.

Ex Jure Collegiorum.

1. *Non admittendum est, ut Opifces à suo Collegio & opificio, opilionum, molitorum veletiam excoriorum, filios excludant.*

2. *Nec alicujus vigoris est pactum eorum, ne opus quod alteri perficiendum datum est, alter impleat, nec id quod unus confecit, alter reficiat.*

DE O Gloriam, Patriæ emolumentum,
Amicis salutem!

EST decus eximium leges novisse Latinas,
Sed magis est notas ritè docere pubem.
Qui Meurare decus, (teneris asfuescere multum est)
Leges cognòsti, dissita terra probat.
Non hoc suffecit, scires, sed scires & alter
Scire suum rectè, candidus ardor erat.

Insonsus radios largitur Apollo Diana;
Largitus cupide sic tua scita publi.
Pro sudore tuo das Justinianus honores,
Inauperator adest, genua flecte tua.
Non Nympha hic adsunt humiles, non candida Nais
Narcissum gestans. Sed Themis ipsa venit.
Ipsa venit princeps, aquas examine lances
Sustentans, folio consociata Jovi.
Non aurum, aut gemmas, sed utroq. potentius est quod
fert, frontem cupiens hoc decorare tuam.
Frontem sudando madidam bis-murice tincta
Ornatus mitra doctor honorus eris
Adsunt jam charites, sunt ter tria corcula Phœbi
Optant, pro sit bonos, pro sit & ille tuis.
Sis præco Themidos, sis servantissimus aequi.
Rene nullis penas, jure levato bonos.

Clarissimo Dn. Doctorando, Amico suo per-
charo, ex animo gratulatur

Præses.

Clariss. & Pereximio Dn. ANDREÆ

Mituer, J. U. Candi. dignissimo, Fautori & amico meo
pl. dilecto.

Cum tibi sint gemini perspecta volumi-
na juris,

Duplicis hinc juris præmia jure capis.
Sint gradus & socii consortia prospera lecti,
Nullo non faveant tempore fata, precor.

Honoris ergò f.

Christoph. Philip. Richter D. Com. Pal. Cæs.
Prof. P. & Facult. Jur. Senior.

Ergo

Ergo Tibi faciles promittunt, Chære, triumphos
Et vegetum ingenium, Et commoda dexteritæ.
Sertaparant Veneres, Consurge, Salaxa Virago,
aptatur a decus purpureum capiti!

Clarissimo Domino Doctorando, festivo
calamo gratulatur

Johannes Thomæ. J. U. D. & P. P.

Quidni virtutem merces sequeretur honori
Debita? quis vellet tantos perferre labores
Alcide dignos, Per tot discrimina rerum
Cur ivit Jæson, quæsitum velleris aurum?
De virtute tua, magnum Themidos decus alma,
Nil dicam, stilo Qui sis testatur aperte
Olhæsius Gedani; cujus sub fonte virescit
Laurea justitiæ; tua dum tractanda juventæ
Scripta monet graviter, Multùm jactatus ab alto
Palladis ob laudes optatum velleris aurum
Consequeris tandem, Quid purpura, quidve tiara
Splendens? sunt vellus. *Conspersos* pulvere ludæ
Præcalidis vitata rotis hos meta coronat,
Evehit ad superos, evestis palma Quiritum
Nobilis offertur. Sancto quod pulvere legum
Versatus fueris, Legis cape dona Latinæ,
Insertus Themidos mystis, cum vertice sidus,
Sublimi series, virtus post funera vivet!

*Sic festinanti calazio Clarissimo viro juveni Andæ
Meureri 7 II. Doctorando, quondam Preceptor:
suo bonamendo, Jena, gratulatur*

Samuel Eusemann.

F I N I S.

